



Skwi Ntakahayè A Shkè Te Gédè'a

A nshum ka bai

Skwi ntakahayè a shkè te gédè'a

Dèlèwèr haha a bicè ma tsad' tsad', man a senda nga sam tsad' tsad' te ma Zhiklè. I suna, skwi nsenda nga ma Zhiklè, ngar d'èlèwèr Zhi-klè, n'azbai.

Ma Zhiklè a shkè te gédè'a, a takaha ta ndohi man mi ngi-zura'a a ked' ta, man ngi-zura'a a zle ta ara skwi n'ndai, ara iyam nsai. Ndo man a kud'i a géd' mali na—a njèkeda malai—a jhèdè Bi Yèsu Kristi man a nzi te ndav nenga'a, a nco a ndav, Bai Yèsu a da senda na nshèffè nenga'a, mwuffè a gumi nenga'a a da nzi te ndav ndo sa. I gau arsa mvi 1937; ha patsna nga humda a Yèsu a ngo do a vna te nshèffè mbela'a. I tsa ka rai, kalahi a deß sak Yèsu antanta! Ko ka co Yèsu a ndav hala'a, va na nshèffè ngaya tèlèba a ri a nenga'a!

—Watson Goodman (1920-2002)

Aman Zhiklè a ngreda mwoy-ndo nenga'a a sam nga, te man Kristi a m'mets na a géd' nga, aman nga ndohi malihi dai.

—Rom. 5,8

Ga ngolala Pâque, Yèsu a suna, tidè sam man a nenga'a a mshkè ma, a da jèkeda herkeda haha, a ndè a sam Bab na. A woy ndohi na, man ta zhè t'herkeda, a ndav na, a woy ta, ha a ndeva skwi tèle-ba.

—Jean 13,1

Sèi ndo man a vi nshèffè na géd' mandalahi na, ndo ngidè a fena mwoy-ndo nenga'a azbai.

—Jean 15,13

Yèsu Kristi, ndo malwudì nzu-ra'a, tsuvom'a te nslambad'ka-d'auda te va ndohi m'metsa'a, bai a géd' bihi herkeda. Nenga'a man a woy nga a ndav na, a mpreka nga auda te mali nga, a pombaz nenga'a.

—Apocalypse 1,5

Gar haha Zhiklè a woy herkeda a ndav na, a mva ta kra nenga'a, kra nenga'a, stad'genè, aman ko wawa man a nco nenga'a a ndav na, a zi azbai, a n'ngotso nshèffè a mèdèp.

—Jean 3,16

Ndo nzi pèc pècèk a ngudokoy va a di dra: I woy ka a ndav a mèdèp; gar haha i va ka pombai a ma ma.

—Jérémie 31,3

Skwi man n'nggheda a civèd' Zhi-
klè, skwi mbia'a a vava: Zhiklè
a ngudko va a dai ara ndo, a
n'ngreda auda zura'a te Mèzhèb
Zhiklè, a ngudoko ta va a dai a go-
lahi Zhiklè. Ta njo nenga'a a sam
ndohi herkeda, a ndohi herkeda ta
co a ndav, a Zhiklè a nda'a a sam
n'njèl nenga'a. —1 Timothée 3,16

Skwi haha a ngau, ara ma Zhi-
klè, man a god' te ma ndo nhadka
ma: Na haha bidali a ngècè kra, a
da yi kra ngura'a a ta da va na
nzlembad' nenga'a Emmanuel, ara
ngèdè: Zhiklè a nda nga.

—Matthieu 1,22-23

Yesu a ngad'a na: N'nzi ga a
sam kine kumba, a ka senyè bi dè,

Philippe? Ndo man a rkaye, a rka
Bab ga ma, a ka gad' kè: Ngra nga
Bab nga? Ka co a ndav ngaya bi
dè? I te Bab ga, Bab ga te iyè!

—Jean 14,9; 10a

Te nhinkad' na, ma Zhiklè a zhè.
Ma'a a zhè a sam Zhiklè. Zhiklè,
nenga'a ma'a. A ma Zhiklè a
n'nde na a ndo, a n'nza a sam nga,
a nga rka n'njèl nenga'a. N'njèlè
Bab Zhiklè, man a mva na kra ne-
nga'a stad'genè, n'ndha a pombai
a ma nzura'a.

—Jean 1,1; 14

Nga a bab ga, nga stad'genè. Ma
man i gad'a kinè, i god' te gèd' ga
ka bai. Skwi man i gau, Bab ga
man a zhè te ndav ga, a ngau.

—Jean 10,30; 14,10b

Aman te Kristi skwi Zhiklè telè-
ba a zhè a vava. —Colossiens 2,9

Aman ta ya nga kra, nga ngots
kra ngura'a, wudì bai te va ne-
nga'a; ta baha na: Ndo n'ngra nga
maya, mbikabai, Zhiklè Bi wudai,
Bab nga a mèdep, Bi gumai.

—Esaie 9,5

Ngèdè ma nenga'a, na haha va-
ni nsleka'da a mshke, a mva ta mè-
zhèb a géd'. Na haha, ta tsena ngè-
dè stad' te va vanai: Nenga'a kra
ga, man i woya'a a ndav ga. Ndav
ga a wuffè kumba a géd' nenga'a.
Va-tsun ma na. —Matthieu 17,5

Gol Zhiklè m'mbed'a na a ma:
Mèzhèb Zhiklè nkezla'a a di a
shkè a géd' ngaya, a wudi Zhiklè

te gédè'a a da nzi a géd' ngaya.
Gar haha kra man ka da yia'a,
nkezla'a, ta da baha na kra Zhiklè.
—Luc 1,35

Ndo man a ngreda, Yesu kra
Zhiklè, Bi Zhiklè a nzi te nenga'a,
a nenga'a te Bi Zhiklè.—1 Jean 4,15

Kin ga'da na ndo man Zhiklè a
nkezla'a, man a zlundko'da a her-
keda: Ka derdè Zhiklè! A géd'
man i ga'da: I kra Zhiklè.

—Jean 10,36

Na haha ta tsena ngèdè te zhi-
klè te gédè'a, man a ga'da: Ne-
nga'a kra ga man i woya'a a ndav
ga. Ndav ga a wuffè kumba a géd'
nenga'a. —Matthieu 3,17

Aman i zhè t'herkeda, i skwi
nhél sam herkeda. —Jean 9,5

Yesu a ngad'a na: Iyè, nslam-
badkad' ndo, a nshèffè. Ko wawa
man a ciyè a ndav na, a nzi a nshè-
ffè, ko a m'mets na. —Jean 11,25

Kin bahaye “Ndo njèngè ma”, a
“Bai”, a kin god' amba. I nenga'a.
—Jean 13,13

Yèsu a ngada ta za'a: A vava, a
vava, i gad'a kinè: Iyè ntamagi
tambakihai. —Jean 10,7

Ngwoz a ngad'a na: I suna, Mes-
sie a di a shkè, ta baha na Kristi.
Aman nenga'a a shkè ma, a da sen-
da nga skwi tèlèba. Yèsu a nga-

d'a na: Nenga'a iyè, man nga gèd'è
a ka, haha. —Jean 4,25-26

A Yèsu a ngad'a ta: Kinè, kin
shkè te godok; aman iyè, i shkè te
gédè'a. Kin shkè t'herkeda haha;
lyè, i shkè t'herkeda ka bai.
—Jean 8,23

Yèsu a ngad'a ta: Iyè movar
nshèffè. Ko wawa man a shkè a
sam ga, mi a da ked'a'a te deba'a
azbai; ko wawa man a cyè a ndav
na, iyam a da dza na te deba'a
azbai. —Jean 6,35

Yèsu a ngad'a ta: A vava, a va-
va, i gad'a kinè: Aman Abraham
az di bai, i zhè ar iyè ma.
—Jean 8,58

Na haha mandazlihi cèw, man ta nza a civèd', a ta tsena Yèsu a mbeza a tsagi ta, ta boho: Nga da se ka te va, Bai, kra David! . . . A ta su Yèsu te va, a nlama ta di ta, a nasa nasa di ta a mwin na. A ta dzodzora. —Matthieu 20,30; 34

A ngad'a ta ndohi rèdèdè'a, aman ta nzahai a kuza. A mco movar zlam a klèf cèw, a mpu di a zhiklè, a mpshè na ma, a ntsaka movar, a mva ta golahi nenga'a, a golahi ta va ta ndohi rèdèdè'a. A ta ndau tèlèba, a ta ngeza'a. A ta hul njèkèd'i movar, gadagar 12, n'ndha'a. Ndohi man ta ndau, ngurhi 5000, ngwozi a wudahi ta te va bai. —Mattieu 14,19-21

Aman njè-ma nenga'a klèng ma, a ngad'a na Simon: Herde wurom a ndev iyam! Va-wusheda latahi kinè, a kin por klèf! Simon a m'mbed'a na a ma: Bai, nga gu mi-zlinè daga man a vad' tèlèba, nga ngatsa skwa bai. Aman a gèd' man ka god'o, i wusheda lata mènè. Aman ta gu arsa, ta por klèf a vata, ha lata a woy a kurècè.

—Luc 5,4-6

Kin woy a i ga kinè mè? Ta gad'a na: Bai, gu aman a nga rka dai. —Matthieu 20,32b; 33

Te deba'a ta cko ndo madzagai a sam na, ndo'a mandazlai ndabazlam. A Yèsu a m'mbela'a, a gèd'è, a rka dai. —Mattieu 12:22

Aman skwi tèlèba n'nga te neng'a'a, skwi te gid'fèk, skwi a géd' herkeda, skwi man di ndo a rka'a, skwi man ndo a nrka a di bai, sam n'nzi bihai, bihai, kokwar-bihai, a wud'ihai. Skwi tèlèba n'nga a neng'a'a, a géd' neng'a'a.

—Colossiëns 1,16

Antanta, man tid'è sama ma, a ngad'a nga ma te kra neng'a'a. Zhiklè a ngu neng'a'a a ndo n'ngècè skwi Zhiklè tèlèba. Te neng'a'a ba a ngu herkeda.

—Hébreux 1,2

Gar haha ndohi Israel tèlèba sèi da suna a vava, Zhiklè a n'nga Yèsu haha, man kin gezlala'a, a Bai a Kristi.

—Actes 2,36

A i winè ta dai, aman ta rka skwi man Zhiklè a huro a ngia'a, man n'ng'heda te nhinkad' herkeda te Bi Zhiklè, man a ngu skwi tèlèba.

—Ephésians 3,9

Skwi tèlèba n'nga a neng'a'a; ko skwi stad' azbai, man n'nga'a a vna bai.

—Jean 1,3

Aman Kristi a m'mets na, a nslambad'kad'auda a nshèffè za'a, a géd' man a gi bai a géd' ndohi m'metsa'a a ndohi man ta shèffè cèw ba.

—Romains 14,9

Aman Zhiklè nlèbès'lè'a, neng'a'a man a baha kinè, man kin humda a Yèsu Kristi, kra na, Bi nga.

—1 Corinthiens 1,9

Aman kra-ndo a shkè a n'njèl na, a nda golahi Zhiklè tèleba, a da nzi a géd' sam n'nzi bi n'njèl na. A da bic ta ndohi herkeda tèleba a sam nenga'a. A nenga'a a da ngel ta, lèmèlèmè ara ndo mber skwai, a nkezla tambakai a bokwai.

—Matthieu 25,31; 32

A Yèsu a mfa nga ma a géd', aman nga njè'a a ndohi tèleba, aman nga ngrédè'a, Zhiklè a n'nga Yèsu a ndo kita a géd' ndohi a nshèffè a ndohi m'metsa'a ba.

—Actes 10,42

A pats man Zhiklè a gi kita te Yèsu Kristi, a géd' skwi n'nghe-da'a te ndav ndohai, ara ma mbe-la'a man i njè'a. —Romains 2,16

Zhiklè a gi kita a ndo azbai. Aman kita tèleba a feda a ri kra.

—Jean 5,22

I bid ka, a vata ba, a sam di Zhi-klè a Yèsu Kristi, man a di a shkè, a gi kita ndohi a nshèffè a ndohi m'metsa'a, aman nda gudko va te kokwar-Bi nenga'a.

—2 Timothée 4,1

Aman ka wa, man ka fa na ma-lai a géd' kramam ngaya, a ka kwola kramam ngaya.

—Romains 14,10

Pats ngidè man a woya'a, a da gi kita ndohi herkeda tèleba zura'a. Ndo stad' man a fedahai a ngia'a. —Actes 17,31a

Yèsu a ngad'a na: Iyè civèd', a ma nzura'a, a nshèffè; ndo ngidè a shkè a sam Bab ga azbai, sèi a bezkad' a iyè. —Jean 14,6

Gar haha i gad'a kinè, kin da metsi kinè te mali kinè. Aman kin cè a ndav kinè bai, i nenga'a, kin da metsi kinè te mali kinè.

—Jean 8,24

Skwi m'mbel ndo te ndo ngidè azbai, t'hwad' gidfèk nzlembad' ngidè azbai, man ta vi a ndohai, aman nga mbel nga. —Actes 4,12

Iyè ntamagai. Aman ndo a bi-zhè a iyè, a mbél na, a dè auda, a

shkè a deba, a ngècè skwi n'ndi na. —Jean 10,9

Gar haha a slaha a m'mbel ta te-nga'a man ta shkè a sam Zhiklè a nzlembad' nenga'a, a mèdèp, te man nenga'a a nzi a nshèffè a mèdèp, aman a tsi ri a géd' tenga'a.

—Hébreux 7,25

Te deba'a man n'nga'a njèlèlè'a ma, n'nga'a a verzi skwi mbél ndohi man ta fa na géd', a mèdèp.

—Hébreux 5,9

A ta ngots ngi-zura'a te pombi nenga'a, a géd' Yèsu Kristi, man skwi mpil géd'; a géd' mizlinè ndohi ka bai.

—Rom. 3,24

Ka amba, ka slaha a ka cè d'èlè-wèr, a ka pelasla skwi mpizlè ntkotsa'a, a géd' man ta zlama ka da'ai, ka sumka ta ndohi te verzi tsad' tsad', a da'ai ta tsad' tsad', tè-lèba a deba a Zhiklè, a pombaz ngayà. —Apocalypse 5,9

Kra-ndo a mshkè, a woya'a, a mbela skwi man a ze na.

—Luc 19,10

Kinè a zhè te Yèsu Kristi a géd' Bi Zhiklè, aman Yèsu a ngi a ma-ya nga, a ge nga a ndohi nzura'a, a kezla ndav nga, a preka nga auda. —1 Corinthiens 1,30

Yèsu, man a vau va na a géd' nga, aman a preka nga auda te

mali tèlèba, a pènè ndav ndohi neng-a'a, a ta gi gazawa a géd' mizlinè man amba. —Tite 2,14

Aman Zhiklè a mpe nga a sam ndzoan bai, aman a sam man nga mbel nga te Bi nga Yèsu Kristi.

—1 Thess. 5,9

Va-shüf' géd' a Bab nga, man a til kinè, aman kin slaha a kin ngè-cè skwi Zhiklè, a nda ndohi Zhiklè a sam nhela'a. A mpreka nga auda te ri wud' ruva, a mpe nga a kowar-Bi kra neng-a'a, man a woya a ndav na, te neng-a'a géd' nga mpela, mali nga mpra'a.

—Colossièns 1,12-14

Holhola'a a da bir nga a sam ndzoan Zhiklè, te man antanta nga ga'a a ndohi nzura'a te pombaz nenga'a. —Romains 5, 9

Holhola'a pombaz Kristi, man a vau nshèffè a ri na a skwi nzli a Zhiklè, man mali a te pa bai, te Mèzhèb Zhiklè man a zhè a mèdep, a pènè mèzhèb ndav nga te mizlinè m'metsa'a, man kala a deba ma, a nga gi mizlinè Zhiklè man a zhè a nshèffè.

—Hébreux 9, 14

Aman nga dè te ndev sam nhela'a, lèmèlèmè ara nenga'a ba te ndev sam nhela'a, nga humda, ngidè a ngidè. A pombaz Yèsu,

kra nenga'a, a pan nga te mali stad' stad' tèlèba. —1 Jean 1, 7

Kin suna, skwi man a sumka kinè a deba te maya nshèffè bababhi kinè hala'a, man skwi ambalai, ara verzhègenè a guro man a di a gédèsh na ka bai; aman pombaz Kristi nzala'a, nara kra tambak man mohtsomb skwi ka bai.

—1 Pierre 1,18; 19

Aman na haha pombaz ga, pombaz nderzlè-ma, man mbadahai, a mprè mali ndohi kumba.

—Matthieu 26, 28

Yèsu a mpela gèd' nga a pombaz na, a mpra nga malai te pombi nenga'a mbia'a. —Ephésians 1, 7

Aman skwi malwudíhi haha ta windo, aman kin cè a ndav, Yèsu, nenga'a Kristi, kra Zhiklè. A géd' ncè-a-ndav kinè kin da ngècè nshèffè a nzlembad' na. —Jean 20, 31

Ta gad'a na: Nga da gi be kè, aman nga gi mizlinè Zhiklè? A Yèsu a m'mbed'a ta a ma: Na haha mizlinè Zhiklè, aman kin cè nenga'a man Zhiklè a zlündkod'a, a ndav kinè. —Jean 6, 28; 29

Aman a pombai kin mbel kinè, a ncè-a-ndav; a ri kinè ka bai; Zhiklè a mva kinè; a mizlinè kinè ka bai, aman ndo da dzugor va bai. —Ephésiens 2,8; 9

Ndohi Zhiklè, ko wawa, ta ga a ngul herkeda. A ncè-a-ndav nga, nga ga'a a ngul herkeda. —1 Jean 5, 4

Aman te Kristi, ko ngwon n'ngela, ko ngwon n'ngel bai, skwi ambalai; sèi ncè-a-ndav te mwoy-ndo. —Galates 5,6

Aman anai nga ngots ngi-zura'a te ncè-a-ndav, nga ngots gumi Zhiklè, te Bi nga Yèsu Kristi. —Romains 5,1

Co Bi Yèsu Kristi a ndav ngaya, a ka, a gi ngaya kin mbel kinè. —Actes 16,31b

Aman pombi ngaya mbia'a, a dè zhiklè, nlèbèsèlè ngaya mbia'a, a dè a va vanai. —Psaume 108,5

Pombi Ndo nzi pèc pècèk n'ndev di bai, nsi ndo nenga'a te va klèng di bai. A ncid' sam a ncid' sam nga sia te va za'a, nlèbèsèlè nenga'a mbia'a.

—Lamentations 3,22; 23

Zhiklè, ngar ka wa? Man a ked'a na géd' dai a mphömè, a pra ta mali a ndohi n'ndi gi na, a gi ndav a mèdèp azbai, aman a wuffè a mvi pombai. —Michée 7,18

Ara man gidfèk a zhè kerpa'a a géd' herkeda, lèmèlèmè pombi nenga'a a zhè a sam ndohi man ta gi zlaua'a. —Psaume 103,11

Aman pombi Ndo nzi pèc pècèk a zhè a mèdèp ba a sam ndohi man ta gi zlaua'a, a ngi-zura nenga'a a sam wud wuda tenga'a.

—Psaume 103,17

Zhiklè a m'mbel nga, a géd' skwi nzura'a man nga gu ka bai, aman a géd' man ndo a sia te va. A m'mbel nga, a mpan nga, a nye nga mbua'a a wud'i Mèzhèb Zhiklè nkezla'a.

—Tite 3,5

Gar haha ngo-hurdokoy va a sam n'nzi bi na, man pombi a ngècè a pa, a nga fi géd' a vna, a nga da ngècè nsi ndo te va a pombai a pats man a woy skwi ntakaha nga a zhè.

—Hébreux 4,16

Anai vo-washkè, a ngo-tsommo-koy ma, Ndo nzi pèc pècèk a gaḏa. Aman malihi kinè nduzoa ara vè-
vèzh, ta da gi a nslekaḏa'a ara go-
gumai. Aman nteva, ta da ngwod
ta ara gwots tambak. —Esaie 1,18

Kin tèlèba, man iyam a dza ki-
nè, vo-washkè a sam iyam! Kinè
ba, man suli kinè azḃai, vo-wa-
shkè! Kin ngècè ambalai, a nshum
ka ḃai, barassa a wa. —Esaie 55,1

Vo-washkè a sam ga, kin tèlèba
man ntulè a keḏ kinè, man skwi
mwuḏitpa a ga kinè, a i da va kinè
nshèk va. —Matthieu 11,28

A Mèzhèḃ Zhiklè a medemi ta
gaḏa: Washkè! A ndo man a tse-
na'a, da goḏ: Washkè! A ndo man

iyam a dza na, da shkè. Ko wawa
man a woya'a, da co iyam nshèffè,
ambalai. —Apocalypse 22,17

Ndo nzi pèc pècèk a ngaḏa na
Noé: Do a wurom, kinè a ndohi gi
ngaya, aman i ngats ka ndo nzu-
ra'a a sam ga, te va ndohi herkeda
haha tèlèba. —Genèse 7,1

A pats ndiv ngolala n'nd'uzo'a,
Yèsu a nzlatsa, a mboho, a ngaḏa:
Ko wawa man iyam a dza na, da
shkè a sam ga, a nsia'a!

—Jean 7,37

Va-jèk ta wudahi aman ta shkè
a sam ga! Kin gedassa civèḏ te-
nga'a ḃai, aman kokwar Bi Zhiklè
a ndohi ara tenga'a. —Marc 10,14b

Gar haha vo-do kinè auda a sam tenga'a, va-kezla va kinè, Bi Zhiklè a gaɗa, kin lama na skwi nli-zhèa ɓai, a i woy a i ce kinè, a i gi a Bab kinè, a kin gi a wudahi a da-lahi ga, Bi Zhiklè wuɗi tèlèba a gaɗa. —2 Corinthiens 6,17; 18

Va-nza, ma az a géɗf kinè ɓai, zu-ra'a, wudahi Zhiklè, mali az a sam kinè ɓai, te ndev ndohi herkedda man ta gedas ta, a ta ngwode ta a ndohi ambaɓihia'a te ndev te-nga'a kin hél sam ara skwi nhél sam t'herkedda. —Philippiens 2,15

Skwi haha a ngreda auda, man ta wudahi Bi Zhiklè, man ɓai wu-dahi bi madzagai: Ndo man a gi

skwi zura'a azɓai, a shkè te Bi Zhiklè ka ɓai, lèmèlèmè ndo man a woy kramam nenga'a ɓai.

—1 Jean 3,10

Ndohi tèlèba man Mèzhèɓ Zhiklè a de ta, tenga'a wud Zhiklè. Aman kin ngatsa Mèzhèɓ man a ga kinè bèlè ɓai, a kin gi zlau. Aman kin ngatsa Mèzhèɓ Zhiklè man a ndeda kinè a wudahi Zhiklè man kin baha na Zhiklè: Abba, Bab nga! —Romains 8,14; 15

Aman ko wawa man a nco, a mva ta wuɗai, aman ta ndi a wu-dahi Zhiklè. Tenga'a man ta co nzlembaɗ na a ndav ta. —Jean 1,12

Zom a mbèhwali a ka, skwi mbe-sla'a a pi mverslè a ma ndo.

—Proverbes 20,1

Sèi nga nzi zura'a, a nga gudko skwi nzura'a auda, ngi golahwad' ka bai, mwoy zom ka bai, mphömè ka bai, mbizhèzlawa ka bai, mbèzl va a srak ka bai. Aman va-feda Bi Yèsu Kristi a va, a kin war di va kinè, aman kin dzodzor ntétékè nenga'a bai!

—Romains 13,14

Skwi man ndohi ta gia'a te ntétékè ta, a ngrédè auda: ngi mphömè, skwi nlizhèa, mbizhèzlawa, ngi vrai, m'mbèh skwai, ngi mayam, ngi ndav, srak, ndzoan, mbèzl va, tiflè man a kezla ta ndo-

hai, njéjèr ma civèd' Zhiklè ngidè, ntétékè, njéjèr zom, n'ndi skwi ketsam-ketsama'a, a skwi tsad' tsad' aranta man i gad'a kinè nshèlèkura'a, a i gèdè za'a: Tengahi man ta gi arsa, ta da ndi kokwar-Bi Zhiklè azbai. —Galates 5,19-21

Ka pu di a zom bai, man nduzoa a pa ka wi a ma, man te kokwai kuzlèr-kuzlèrè'a a hi a hwad' a ri na. Aman te deba'a a je ka ara zhüzhok, a da ka dèrè a va ara ntümsho.

—Proverbes 23,31; 32

Wobau a géd' ndohi man a prèk te gi langa ta jéjèr zom, man ta zhè a zom te géd', ha vad'.

—Esaie 5,11

Civèd' tsad' tsad': ndohi ta hur a ta gaɗa: Civèd' nzura'a, aman te deba'a a da na ma a m'metsai.

—Proverbs 16,25

Aman Yèsu a civèd' ma, ndo ngi-dè a nhakaɗai, a ngurbahai a sam na, a ndzhod'o: Ndo njèngè ma man amba: I da gi be kè, aman i ngècè nshèffè mbia'a man a ndev azbai a mèdèp? Yèsu a ngad'a na: Ka bahayè man amba èhèmè? Man amba, na stad'genè, sèi Zhiklè. Ka sun ma Zhiklè: Ka kud' ndo bai, ka gu mphömè bai, ka gu metsar bai, ka gu malwud'i ncèkèl-ma bai, ka ngwoda ri a ndo bai, slubordo bab ngaya a mam ngaya! Nenga'a a ngad'a na: Ndo njè-

ngè ma, i goko skwia daga man i kra. A Yèsu a mpa na dai, a wo-ya'a a ndav na, a ngad'a na: Njèkè skwi stad' a sam ngaya: Do, preda skwi ngaya tèlèba a ma, va ta ndohi ntawassa'a, a ka ngècè skwi mèshèlè te zhiklè te gédè'a. A ka shkè, dzadzarkayè! A ndav ndo matsa a m'mbed' na, a géd' ma ha-ha, a mdo na, a ndav man a kud'ai; aman skwi nenga'a a zhè a vata.

—Marc 10,17-22

Yèsu a ngad'a na: Woy Bi Zhiklè ngaya a ndav ngaya tèlèba, a nshèffè ngaya tèlèba, a nhér géd' ngaya tèlèba. Na haha mbia te va ma kita Zhiklè, man a fena ngidè.

—Mattieu 22,37-38

Ndo da pe kinè a wi a ma ambali bai. Aman a géd' skwi haha ndzo-an Zhiklè a shkè a géd' ndohai man ta fi géd' a ma Zhiklè azbai.

—Ephésiens 5,6

Aman ta kumba ta da shkè a nzlembad' ga, a ta gad'a: I Kristi! A ta pètè ta ndohi kumba.

—Matthieu 24,5

Va-gu ara man ma Zhiklè a ga-d'a kinè: kin tsena a zlembad' genè ka bai, man bai kin zlakeda va kinè a ri kinè.

—Jacques 1,22a

Wudahi ga, ndo da zlakede kinè bai! Ndo man a gi skwi zura'a, nenga'a ndo nzura'a, ara Kristi, nzura'a. Ndo man a gi malai, nenga'a

ndo bi madzagai, aman bi madzagai ndo mali te nhinkad' na.

—1 Jean 3,7; 8a

Kin sun bi dè? Ndohi nzura ka bai, ta ndi kokwar-Bi-Zhiklè azbai. Kin peda ndav kinè a wai a ri kinè bai! Ko ndohi mphömè, ko ndohi vrai, ndohi ngi ngwoz a dala, ko ndohi ngi mphömè ngura'a a ngura'a, ko ndohi metsar, ndohi keda, ndohi njéjèr zom, ndohi nderdè ndo, ndohi nkedè ndo, ta ndi kokwar-Bi-Zhiklè azbai.

—1 Corinthiens 6,9; 10

Kin pu va kinè a wi a ri kinè bai! Kin slaha kin mbèhwali a Zhiklè azbai. Skwi man ndo a zlekia'a, a di a bicè'a.

—Galates 6,7

Sèi nga wuffè, a nga gi langla-
nga'a, aman kramam ngaya haha
ara man a mets na ma, a n'ngots
nshèffè a deba. A nze na ma, a ta
ngots a deba. —Luc 15,32

Gar haha ara man a géd' ndo
stad' malai a mshkè a herkeda, a
m'metsai a mshkè a géd' malai,
m'metsai a zlèzlèmè a géd' ndohi
tèlèba, a géd' man ta tèlèba ta gu
malai. —Romains 5,12

Ndo man a nzi tara'a te ngi-zu-
ra'a, a dè a sam nshèffè; ndo man
a hi a verzi skwi man ambañai, a
da na ma a m'metsai.

—Proverbes 11,19

Te deba'a, aman ntétékè a
n'nga ma, ntétékè a yi malai. Te

deba'a, man malai n'nga ma, a dè
ma a m'metsai. —Jacques 1,15

Skwi man ndohi ta hérè'a, a da
na ma a m'metsai. Skwi man Mè-
zhèb a hérè'a, a da na ma a nshè-
ffè, a gumai. —Romains 8,6

Ndo man a gi malai, sèi nenga'a
da mets na. Kra da ngots kita ma-
li bab na, a bab kra da ngots kita
mali kra bai. Ndo nzura'a da mbel
na a géd' ngi-zura'a nenga'a. Ndo
ambañia'a, skwi ambañia nenga'a
da ngwoda na va a géd'.

—Ezéchiel 18,20

Skwi ntul malai, m'metsai.
Aman skwi man nga ngècè te ri Bi
Zhiklè, ambalai, nshèffè a mèdèp,
te Kristi Yèsu, Bi nga. —Rom. 6,23

A mdo, a nlama na telai, man ta manda a pa. A ndohi man ta zußkod'ai, ta zlatsahai. A Yèsu a ngad'a: Masli ga, i gad'a ka, slambad'a! A ndo m'metsa'a a nslambad'a, a n'nza a verzai, a hüno ngèd'è.

—Luc 7,14; 15a

Iyè ndo nshèlèkura'a, a ndo n'ndikèma skwai, ndo a nshèffè. Te va nasa i mets ga, na haha anai i nzi a nshèffè a mèdèp, a skwi mwinè a skwi mpizlè m'metsai, a sam m'metsai, nte ri ga.

—Apocalypse 1,18

Bab ga a woy iyè a ndav na, a géd' man i vi nshèffè ga. Aman i cè'a te deba'a za'a. Ndo ngid'è a

cè nshèffè ga azbai; aman i via a ri ga. Wud'i ga a zhè, aman i jèkeda; wud'i ga a zhè, aman i cè a deba. Ma nkwèr haha i ngotso a sam Bab ga.

—Jean 10,17; 18

A woy Kristi a gi bai, ha Zhiklè a pe ta mayamhi tèleba a hwað sak nenga'a. Mayam, man a gèdèshè te deß tèleba, m'metsai.

—1 Corinthiens 15,25; 26

Aman a ngod' ma ar haha, a mboho a wud'ai: Lazare, washkè auda! A ndo m'metsa'a a mshkè auda, mbè te maslaka ara nckondo, a mberzledai. Yèsu ngad'a ta: Va-pra na maslaka auda a va, aman a dè.

—Jean 11,43; 44

Ka gu Zhiklè ngidè a tsagi ga bai! Ka gu vrai a mèzhèb skwai nte zhiklè te gédè'a, a mèzhèb skwai nte godok a géd herkeda a mèzhèb skwai nte iyam t'hwad herkeda a sam ngaya bai, ka gurbà a sam tenga'a bai

Ka slefu nzlembad' Ndo nzi pèc pècèk, Zhiklè ngaya, ambali bai. Aman Ndo nzi pèc pècèk a jèkeda kita azbai a géd nenga'a man a slefi nzlembad' Zhiklè ambalai.

Hur pats nshèk va, aman ka kezla'a a ka slébèrdè'a, ara man Ndo nzi pèc pècèk, Zhiklè ngaya, a njè ka. Gu mizlinè m'mèn 6, a ka ga mizlinè ngaya tèleba!

Slubordo bab ngaya a mam ngaya, ara man Ndo nzi pèc pècèk, Zhiklè ngaya, a njè ka

Ka kud' ndo bai!

Ka gu mphöm-ngwoz bai!

Ka gu metsar bai!

Ka tsokol ma a géd nslamagi ngaya bai!

Ka gu ntétékè ngwoz nslamagi ngaya bai, ka gu ntétékè gi nslamagi ngaya bai, ko gi dau nenga'a, ko bèl nenga'a, ko ngura'a ko ngwoza'a, ko mari nenga'a, ko kdèh na ba, ko skwi tèle man nslamagi ngaya a ngotso ba.

—Deutéronome 5,7-21

Aman Zhiklè a pi di a civèd' ndo, a rka sam sak nenga'a tèlèba. Vad' ba, ruva ba, azbai, aman ndohi malihi ta nghédè va a pa.

—Job 34,21; 22

Aman ndo ngidè a ngheda va, i rka bi dè? I ndha gidfèk a herke-da ka bi dè, Ndo nzi pèc pècèk a gad'a.

—Jérémie 23,24

Aman skwi n'nggheda'a azbai, man a di a shinè auda azbai. Skwi man ta pizlè'a azbai, man a dè gi-dè auda azbai.

—Luc 8,17

Ta zhè aman ta woy Zhiklè, a ta slaha ta shin nenga'a, a ta slaha ta ngècè'a. Na haha, nenga'a az

dra a sam ndo stad' stad' te ndev nga bai.

—Actes 17,27

Ndo nzi pèc pècèk a pi di a sam tèlèba, a war ndohi ambabihia'a a ndohi amba cèw ba.

—Proverbes 15,3

I tivè a zhiklè a gédè'a, ka te pa. I manahai a sam m'metsai, ka te pa. A sam ngaya ko ruva, ruva ka bai; vad' a hél sam ara pats.

—Psaume 139,8; 12

Ko skwi stad' n'nggheda a sam nenga'a bai. Aman skwi tèlèba n'ngreda t'uda a sam di Zhiklè, nenga'a aman te deba'a sèi nga da menda na skwi tèlèba.

—Hébreux 4,13

22 Ndzoan Zhiklè a géd' ndohi nte deba, a mèdèp

Kra-ndo a di a zlündkod'i golahi nenga'a, a ta bice' ndohi tèlèba man ta slafa'dama ta sak a ndohai, a ndohi mphömè, te kokwar-Bi nenga'a. Ta da wushede ta a vogwa mbia'a. Te pa ta da kud'ai, a ta da ped'i zlè'èn.

—Matthieu 13,41; 42

A tenga'a ta dè matakwan man a ndivè azbai. Aman ndohi nzu-ra'a ta dè a nshèffè mbia'a man a ndivè azbai a mèdèp.

—Matthieu 25,46

Aman ri ngaya a sak ngaya ta kalde ka a malai, ngeldaussa, a ka wushedaussa! Dara ka dè a sam nshèffè ara ndo vedal, a géd' man

ta kalde ka a vogwa kita man a mbècè azbai a mèdèp, a ri cèw a sak cèw.

—Matthieu 18,8

Ndohi amba'ihia'a sèi ta dè a sam m'metsai, ndohi nte deba tèlèba man Zhiklè a pca ta a géd'.

—Psaume 9,18

Ndo man ta ngots nzlemba'd nenga'a te d'èlèwèr nshèffè bai, ta kalda a vogwa mbia'a.

—Apocalypse 20,15

Lèmèlèmè gidfèk a herkeda, man ta zhè antanta, ma Zhiklè a mpe ta hai, a ta zhèr vogwa a nda ndohi man ta woy civèd' Zhiklè bai, a ta da gédèsh ta a pats kita.

—2 Pierre 3,7

Bi Zhiklè a suna, ara man a sla-
ha a mpre ta ndohi man ta woy ci-
vèd' na, auda te skwi man a pe ta a
wai, ara man a pe ta ndohi nzura
ka bai, a hai, ha pats kita, aman a
da ga ta kita. —2 Pierre 2,9

Aman nga tèlèba, sèi nga da zlè-
cè a sam n'nzi kita Kristi, a sam
man ndo stad' stad' a ngècè'a, gar
amba, gar ambabai, ara man a gu
a pats nshèffè na t'herkeda.
—2 Corinthiens 5,10

Mwoy-ndo n'nga'a njèlèlè'a a
sam nga, aman nga da wuffè a
pats kita, te man t'herkeda haha
nshèffè nga lèmèlèmè ara nshèffè
Yèsu. —1 Jean 4,17

Ara man ndohi sèi ta bèzl ta
pats ngid'è stad' ndèzl, te deb
m'metsi ta, kita a zhè.
—Hèbreux 9,27

A i rka ndohi m'metsa'a, mbibi-
hia'a ba a nkèshèhia ba, ta zlat-
sa a sam n'nzi bai. A ta winè d'èlèwèr-
hi a pa. Dèlèwèr ngid'è, man ta
winè'a, nenga'a d'èlèwèr nshèffè;
a ta ga ta kita a géd' ndohi
m'me'tsa'a a géd' skwi man ta
gau, mwindè'a te d'èlèwèrhai.
—Apocalypse 20,12

Gar haha sèi ndo stad' stad'
tèlèba a da ngrédè skwi man a
gau, a malwud' va na, a sam
Zhiklè. —Romains 14,12

A ndohi sak ta gu malwud'i a wud'i mbia'a te nslambad'ka'da Bi Yèsu auda te m'metsai. Pombi mbia'a a zhè a sam ta tèlèba.

—Actes 4,33

Gar haha a gi azbai a géd' man ndo a woya'a, a géd' man ndo a gi a wud'i na, aman a géd' Zhiklè man ndo a sia te va. —Romains 9,16

Aman kin sun pombi Bi nga Yèsu Kristi; ko nenga'a ndo mèshèlè, a n'nde na a ndo ntawassa'a, a géd' kinè, a géd' man te ntèwèshè nenga'a kin ndi a ndohi mèshèlè.

—2 Corinthiens 8,9

Aman pombi man Zhiklè a mvau, a lèmdè a mali azbai. A géd'

mali ndo stad', ndohi kumba ta bazl ta; aman pombi Zhiklè a zè-zlèmè holhola'a a géd' pombi ndo stad', Yèsu Kristi, man ndohi kumba ta ngotso. —Romains 5,15

Aman Zhiklè a sassaya ndav a sam ndohi nfi va, a va ta pombai a ndohi m'manda géd' ta a hai.

—1 Pierre 5,5b

Aman te pombi nenga'a nga ngots ngi-zura'a, nga ga'a a ndohi n'ndi nshèffè a mèdèp, te nzhè-rè te ndav.

—Tite 3,7

Aman lèmèlèmè ara malai a gu bai a m'metsai, lèmèlèmè pombi ba a da gi bai a ngi-zura'a a nshèffè a mèdèp, te Yèsu Kristi, Bi nga. —Romeins 5:21

Va-ngwode ndav kinè, aman ko-
kwar-Bi-Zhiklè a zhè ndul ndul.

—Matthieu 3,2

I gad'a kinè: A'ai! Aman kin
ngwèdè ndav kinè azbai, kin da zi
kinè lè mèlè mè.

—Luc 13,3

Anai va-ngwoda ndav kinè, a
kin menkad'a deba a sam Bi Zhi-
klè, aman mali kinè mpana'a, a
patsa a di a shkè, aman Bi Zhiklè
a ga nga langlanga'a. —Actes 3,19

Zhiklè a hér pats man kin sun
nenga'a bai, ani asabai. Aman
antanta a ngad'a ta ndohi tèlèba,
a sam herkeda tèlèba, aman ta
ngwèdè ndav ta, a ta tsi rai.

—Actes 17,30

Va-wusheda mali tèlèba man
kin gau aussa a sam kinè! Va-woy
ndav mbua'a a mèzhèb mbua'a.
Kinè ndohi Israel, kin woy m'me-
tsi èhèmè?

—Ezéchiél 18,31

Nlèyè te ndav man a shkè te ri
Zhiklè, a de nga a sam m'mbélè;
aman nlèyè herkeda a de nga a
sam m'metsai. —2 Corinthiens 7,10

Ndo man a ngheda mali na, a
grè a ma ma azbai; aman ndo man
a ngreda auda, a jèkeda, a si Zhi-
klè te va.

—Proverbes 28,13

A Yèsu a ngad'a na ngwoz: Anai
ko iyè, i ga ka kita a gèd' azbai. Do
ngaya! Aman te deba'a ka da gu
mali asabai!

—Jean 8,11b

Ndo man ambabai da jèkeda civèd nenga'a. Ndo malai da jèkeda skwi ambabia'a man a nhuro, da menkad'a deba a sam Ndo nzi pèc pècèk, a da sia te va; a sam Zhiklè nga, aman nenga'a a prè mali kumba. —Esaie 55,7

Ndo ambabia'a man a m'menkad'a deba te mali na man a gau, a jèjèr ma nkwèr ga tèlèba, a gi skwi nzura'a te ngi-zura'a, a da metsi azbai, a nzi a nshèffè.

—Ezéchiél 18,21

Aman kin prè mali ndohai, Bab kinè te zhiklè a dè prè mali kinè arsa. —Matthieu 6,14

Te nenga'a (Yèsu) man ta njè kinè mprè malai, te ncè nenga'a a

ndav kin ngots ngi-zura'a. Nenga'a, Zhiklè a nzala'a a ri mandi nenga'a, aman a gi a ndo ncè ta ma ndohai, a ndo m'mbel ndo, aman kokwar Israel a ngwèdè ndav na, a ngècè mprè malai.

—Actes 13,38b; 5,31

Gar haha nzala va ngaya, a ka ngwode ndav ngaya! Na haha iyè a ntamagai, a i bèhè. Ndo man a tsena da'ai ga, a da winay ntamagai, i dè a pa a sam nenga'a, a nga da ndi skwi a nda nenga'a, a nenga'a a nda iyè. —Apocalypse 3,20

Yèsu, man a rka, ta co a ndav ta, a ngad'a na ndo vedal: Kra ga, malihi ngaya ta pra ma! —Marc 2,5

Kin woy herkeda a skwi nte pa bai! Aman ndo man a woy herkeda, te nenga'a mwoy-ndo Bab Zhiklè azbai. Aman skwi tèlèba man a zhè t'herkeda, skwi man ndav ndo a tètékè'a, nfi va ambalai, a shkè te Bab Zhiklè ka bai, aman t'herkeda.

—1 Jean 2,15; 16

Kin humda bai a mizlinè ruva, man skwi mbela'a a shkè auda te pa azbai; m'mbela kin ngreda skwi nenga'a ambabia'a auda.

—Ephésiens 5,11

Kinè ndohi mphömè, kin sun bi dè, ndo man a gi mandala a herkeda, a gi a mayam Zhiklè. Ndo man a woya a gi a mandala a herkeda,

nenga'a a ndi a ndo mayam Zhiklè.
—Jacques 4,4

Va-pana va, va-tila va kinè! Vace na shèwa kinè auda a sam diga! Va-jèkeda malai! —Esaie 1,16

Va-hur skwi nte gédè'a, skwi herkeda ka bai. —Colossiens 3,2

Aman pombi m'mbel ndo te Bi Zhiklè a ngudoko ta va a dai a ndohi tèlèba, a ngatsa nga maya, aman nga jèkeda skwi man amba-ha Zhiklè bai, a ntètékè herkeda, a nga nzi a nshèffè a géd herkeda haha, a nga hér skwi nzura'a, a maya, a nga gi zlau Zhiklè.

—Tite 2,11; 12

Yèsu a m'mbed'a na a ma: A va-
va, a vava i gaɗa ka: Aman ndo a
yakad'i mbua'a te Zhiklè ka ɓai, a
slaha man a nrka kokwar-Bi-Zhi-
klè ɓai. —Jean 3,3

Ndo man a zhè te Kristi,
n'nga'a a ndo mbua'a, skwi m'mo-
va'a kala a deɓa ma, na haha skwi
tèlèba n'nga a mbua'a.
—2 Corinthiens 5,17

I da va kinè ndav mbua'a a mè-
zhèɓ mbua'a a ndav kinè. I da cè
ndav man ngwora ara kwa auda te
va kinè, a i va kinè ndav man ara
gwoli va kinè. —Ezéchiel 36,26

Nga suna, ndo man a yaka te Bi
Zhiklè, a gi mali azɓai. Aman ndo

man a yaka te Bi Zhiklè, Zhiklè a
birè'a, a nenga'a man ambabai a
da lama na azɓai. —1 Jean 5,18

Aman ko wawa man a nco, a
mva ta wuɗai, aman ta ndi a wu-
dahi Zhiklè, tenga'a man ta co
nzlembad' na a ndav ta. —Jean 1,12

Kinè ndohi man ta yaka kinè
macecèwa'a, te tser skwi nhusla'a
ka ɓai, aman te tser skwi man a
huslè azɓai, nenga'a ma nshèffè
Zhiklè, man a nzi dai a mèdèp.
—1 Pierre 1,23

Aman kin pana, kin kezla, kin
ga'a a ndohi nzura'a te nzlembad'
Bi Yèsu Kristi, te Mèzhèɓ Zhiklè
nga ma. —1 Corinthiens 6,11b

Kinë hala'a ndohi m'metsa'a a géd' maharam a malai . . . Zhiklè a nslambad'kad' nga auda a nda neng'a'a, a mva nga sam n'nzi te zhiklè a nda neng'a'a te Yèsu Kristi.

—Ephésiens 2,1; 6

Ndohi man te Yèsu Kristi, ta gezlala ntétékè va tenga'a, a skwi man a woya'a.

—Galates 5,24

Nga, man nga mets nga a sam mali ma, nga slaha nga gi mali a ma ma dè? . . . Gar haha kinè ba, va-rka va kinè ara man a mets na a sam mali ma, a kin nzi a nshèffè man a Zhiklè te Yèsu Kristi.

—Romains 6,2; 11

Aman kin slambad'kad'auda a nda Yèsu Kristi, va-woy skwi nte

géd'è'a, man Yèsu Kristi a zhè, a nza a pa te civèd' ri mandi Zhiklè! Va-hur skwi nte géd'è'a, skwi herkeda ka bai!

—Colossiens 3,1; 2

Nenga'a a nco malihi nga a def wof te va nenga'a, aman nga jèkeda n'nzi te malai, a nga nzi a géd'ngi-zura'a. Te mblè nenga'a kin mbel kinè.

—1 Pierre 2,24

Kinë man kinè ndohi m'metsa te ri malai hala'a, man ndav kinè ntil bai, a va kinè nshèffè a nda neng'a'a, a mpra nga malai te pombi na.

—Colossiens 2,13

Aman nga nzi a nshèffè te Mèzhèß, sèi nga jèjèr Mèzhèß ba.

—Galates 5,25

Skwi ntul malai, m'metsai. Aman skwi man nga ngècè te ri Bi Zhiklè, ambalai, nshèffè a mèdèp te Kristi Yèsu, Bi nga.

—Romains 6,23

Ndo man a zleki a gèd' ntétékè na, a di a biccè te ntétékè skwi man a gedassa va na. Aman ndo man a zlekia'a te Mèzhèb, a di a biccè te Mèzhèb Zhiklè nshèffè a mèdèp.

—Galates 6,8

Ara Moise a nzlatseda zhüzhok t'hèshèkèd', ta da zlècèdè kra-ndo. Ko wawa man a cè nenga'a a ndav na, a ngècè nshèffè a mèdèp.

—Jean 3,14; 15

A vava a vava i gad'a kinè: Ndo man a tsena ma ga, a nco ma nenga'a man a zlindekayè a ndav na, a n'ngotso nshèffè a mèdèp, a ngècè kita a gèd' na azbai, aman a ntsoko gèd' na auda te m'metsai, a n'ndo a nshèffè.

—Jean 5,24

Na haha nshèffè a mèdèp, aman ta sen ka, ka Zhiklè nzura'a stad-genè, a nenga'a man ka zlündo, Yèsu Kristi.

—Jean 17,3

Ndo man a nco kra Zhiklè a ndav na, a n'ngotso nshèffè a mèdèp. Ndo man a fi gèd' a kra Zhiklè azbai, a rkè nshèffè a di azbai, aman Zhiklè a gi ndav a gèd' nenga'a.

—Jean 3,36

Anai kinè wudahai, man Zhiklè a zlündo Mèzhèb kra nenga'a a ndav kinè, man a gad'a: Abba, bab ga!
—Galates 4,6

Nga suna, nga nzi te nenga'a, a nenga'a a nzi te ndav nga, te man a mva nga Mèzhèb nenga'a.
—1 Jean 4,13

Wudahi ga, ngo-woyokoy va nga a ma genè ka bai, a ngèdè genè ka bai, aman a skwi man nga gia a nzura'a. Te nenga'a nga suna, nga zhè te ma nzura'a, a ndav nga m'mana t'hai te skwi man nga gia'a.
—1 Jean 3,18; 19

Ndo man a fi gèd a ma nkwèr nenga'a, a nzi te nenga'a, a nenga'a a nzi te ndav na. A nga su-

na, a nzi te ndav nga, te Mèzhèb Zhiklè man a va nga. —1 Jean 3,24

Ndo man a n'ngots ma nkwèr ga, a fi gèdè'a, nenga'a ndo man a woy iyè a ndav na. Ndo man a woy iyè a ndav na, Bab ga ba a woy nenga'a a ndav na, a i woya'a a ndav ga, a i da ngreda na va ga.

—Jean 14,21

Mèzhèb Zhiklè a ri na a gi malwud'i a Mèzhèb te ndav nga, aman nga wudahi Zhiklè.

—Romains 8,16

Ndo man a ngots kra Zhiklè, a n'ngots nshèffè. Ndo man a ngat-sa kra Zhiklè bai, a n'ngatsa nshèffè bai.
—1 Jean 5,12

Ma haha i gaɗa kinè, aman mwuffè ga a zhè a sam kinè, a mwuffè kinè a gi jèlèlè'a.

—Jean 15,11

Aman Kristi da nza te ndav kinè te ncè-a-ndav.

—Ephésiens 3,17a

Ka ngray civèd' nshèffè. Mwuffè man a ndha ndav ga a zhè a sam di ngaya; ngi langlanga'a a zhè a tsagi ngaya a mèdèp.

—Psaume 16,11

Aman antanta i dè a sam ngaya; aman ma haha i gèd'è t'herkeda, a ndav tenga'a da ndha a mwuffè ga.

—Jean 17,13

Aman kokwar Bi Zhiklè n'ndi skwai, nsi skwai ka bai, aman ngizura'a a gumai a mwuffè te Mèzhèb Zhiklè nkezla'a.

—Romains 14,17

I nzi a nshèffè, aman anai i ka bai, aman Kristi a nzi a nshèffè te ndav ga. I nzi a nshèffè te va ga haha, a géd' ncè kra Zhiklè a ndav, man a woy iyè a ndav na, a mvau va na a géd' ga.

—Galates 2,20

Kin da géj iyam te nlèlè m'mbel ndo a mwuffè.

—Esaie 12,3

Aman nga da ngècè va za'a, a ndav kinè a da wuffè, ndo ngid'è a da cè mwuffè auda te ndav kinè azbai.

—Jean 16,22b

Kin sun bi d'è, a sam ndo man kin fi gèd' a ma nenga'a, kin gi bèl nenga'a. Gar malai, man a dè a m'metsai, gar nfi gèd' man a dè a ngi-zura'a.
—Romains 6,16

Ani haha, a patsna i geda ka ma mpshè ma kinè, a ma mphomde kinè. Ma mpshè ma, aman kin tsena ma nkwèr Ndo nzi pèc pècèk, Zhiklè kinè, man i njè kinè a gèd' a patsna. Ma mphomde kinè, aman kin tsena ma nkwèr Ndo nzi pèc pècèk, Zhiklè kinè, azbai.

—Deutéronome 11,26-28a

Aman kin da fi zlembad' a ma Ndo nzi pèc pècèk azbai, a kin gi

mèdègèd' a sam ma man Ndo nzi pèc pècèk a gad'a kinè, kita Ndo nzi pèc pècèk a zhè a gèd' kinè, a gèd' bi kinè.
—1 Samuel 12,15

Aman a kinè, man kin si matakwan, a va kinè nshèk va a nda nga, aman Bai Yèsu a da gudko va a dai te zhiklè, a golahi nenga'a man wufi ta a zhè, te nè'en vogwa, a ga ta kita a ndohi man ta sun Zhiklè bai, a ndohi man ta fa na gèd' a ma mbela'a Bi nga Yèsu bai. Ta ngècè kita ta, skwi ngedas ta a mèdèp, dra a sam di Bi Yèsu a n'njèl wufi na.

—2 Thessaloniens 1,7; 8; 9

Ko wawa man a cèkèlma a géd kra Zhiklè, a n'ngatsa Bab Zhiklè bai lè mèlè mè. Ko wawa man a ngreda kra Zhiklè auda, a n'ngots Bab Zhiklè ba. —1 Jean 2,23

Aman ka ngreda a ma ngaya, Yèsu nenga'a Bai, a ka cè a ndav ngaya, Zhiklè a nslambad da te ndev ndohi m'metsa'a, ka da mbél ngaya. Aman ndo man a cè a ndav a vava, a ngècè ngi-zura'a; a ndo man a ngrédè'a a ma na, a mbel na. —Romains 10,9; 10

Ko wawa man a ngredyè auda a sam ndohai, i ngrédè nenga'a a sam Bab ga, man a zhè te zhiklè. Aman ko wawa man a gi ara man

a senyè bai a sam ndohai, i ba i gi ara man i sun nenga'a bai a sam Bab ga, man a zhè te zhiklè.

—Matthieu 10,32; 33

Kin sun Mèzhèß Zhiklè ar haha: mèzhèß stad stad tèleba man a ngrédè, Yèsu Kristi a shkè, a ngu ara ndo, a shkè te Bi Zhiklè.

—1 Jean 4,2

Aman ndo man a gi hori ga, a hori ma ga, ko kra-ndo a da gi hori nenga'a, aman a shkè a n'njèl na, a n'njèl Bab na, a n'njèl golahi Zhiklè nkezhahia'a. —Luc 9,26

A nè'èn tèle ta ngrédè'a, Yèsu Kristi Bai, a n'njèl Zhiklè, Bab na. —Phil. 2,11

I da zlinde ka, a ka winè di te-
nga'a, aman ta menkad'a deba te
ruva a sam skwi nhél sam, te wu-
d'i-bi madzagai a sam Bi Zhiklè, a-
man ta ngècè mprè mali tenga'a, a
skwi n'ndi gai a nda tengahia tèle-
ba, man Zhiklè a kezla ta te ncè
Zhiklè a ndav. —Actes 26,18

Va-cidè dai, va-nza a dai - aman
madzagai, ndo mayam kinè a tè-
uda kinè a pa ara marizhèlè man a
kud'kad'arai, a rka ndo man a sla-
ha a ndia'a. —1 Pierre 5,8

Te deba'a Mèzhèß Zhiklè a
n'nda Yèsu a hèshèkèd', aman bi
madzagai a mpi a wai... Yèsu a
ngad'a na: Kazla ngaya auda a tsa-

gi ga, Sadan! Aman ta windo te
d'èlèwèr Zhiklè: Sèi ka slébèrdè Bi
Zhiklè ngaya stad'genè, a ka gi mi-
zlinè nenga'a stad'genè. Te deba'a
bi madzagai a njèkeda Yèsu a pa.
Na haha, golahi Zhiklè ta shkè a
sam Yèsu, a ta takaha.

—Matthieu 4,1; 10; 11

Va-feda skwi var Zhiklè tèleba a
va, aman kin slaha a kin zlècè a
sam man bi madzagai a pe kinè a
wai a maya na. —Ephésiens 6,11

Aman ndo nderd'a Zhiklè sa a di
a slèmbèdè a wud'i Sadan, a ngi
nrkedi tsad' tsad', a ngreda skwi
auda tsad' tsad' a wud'ihì ncèkèl-
ma. —2 Thessaloniens 2,9

Va-fa na gèd' a Zhiklè. Va-sala va a sam madzagai, a nenga'a a hi na auda a sam kinè. Va-herda na va a Zhiklè, a nenga'a a di a herdeka kinè va. —Jacques 4,7; 8a

Te deba'a tsam tsam ndo nder-d'a Zhiklè a da gudko va, a Bai Yè-su a di a keda'a a nshèffè man a shkè auda te ma na; ngedè va Yè-su a zeda langa.

—2 Thessaloniens 2,8

Ara man wudahi ta ngots gada va a pombaz ara ndohai, nenga'a ba lè mèlè mè. Aman te m'metsi nenga'a a nguzlo wud'i te ri bi madzagai, man a ngots wud'i m'metsai.

—Hébreux 2,14

Kra Zhiklè a shkè, aman a nge-dassa mizlinè bi madzagai.

—1 Jean 3,8b

Nslaha a nkezle nga te mwoyndo Kristi mè? Matakwan a zlau dè, dè man ta paraha nga dè, dè mi dè, dè n'nzi adi dè, dè skwi mwuditpa dè, dè kafahi gwèsh dè? ... Aman te skwi haha tèlèba nga gi a ngula'a, a fena ndohi n'ngul skwi tèlèba, te Yèsu man a woy nga a ndav na.

—Romains 8,35; 37

Aman skwi var man nga gi var a vna, skwi ndo ka bai, aman wud'i te ri Zhiklè, man a ngedassa skwi n'nzala'a.

—2 Corinthien 10,4

Aman kin gi ar haha, ndohi tèlè-bà ta suna, kinè golahi ga, te man ngidè a woy ngidè, ngidè a woy ngidè.
—Jean 13,35

Ko man agassa i gèdè ma ndo-hai, a ma golahi Zhiklè, aman mwoy-ndo a ndav ga azbai, i lèmè-lèmè ara züdo, ara ngurlèlèi man a slhè.
—1 Corinthiens 13,1

Ndo man a gad'a: I woy Zhiklè, aman a gi shèwa a kramam nenga'a, ndo ncèkèlma. Ndo man a woy kramam nenga'a, man a rka'a a di bai, a slaha a nwoy Zhi-klè man a rka bi dè? —1 Jean 4,20

Nga suna, nga shkè auda te m'metsai a nga dè a nshèffè, te

man nga woy kramamhi nga. Ndo man a woy kramam na bai, nte m'metsi dai.
—1 Jean 3,14

A ngad'a na macecèwa'a: Simon, kra Jonas, ka woy iyè a ndav ngaya dè? A nenga'a a ngad'a na: Halau, Bai, ka suna, i woy ka. A Yèsu a ngad'a na: War tambakihi ga!
—Jean 21,16

Skwi man a shkè auda te Mè-zhèb: Mwoy-ndo a ndav, mwuffè, gumai, nzher skwi a ma ma, ndo a se ka te va, ndav amba, nlèbèslè'a, ndav nlübekwa'a, ngshè va.

—Galates 5,22; 23a

Aman kin woy iyè a ndav kinè, va-fu gèd' a ma nkwèr ga.

—Jean 14,15

Te deɓ m'mèn tsamakad', golahi nenga'a ta zhè te gi za'a; Thomas a nda tenga'a. Gi mpizlè'a. A Yèsu a mshkè, nzlatsa a ndev tenga'a, a ngad'a: Gumi a nda kinè! Te deɓa'a a ngad'a na Thomas: Cko kra-ri ngaya! Taraha rihi ga! Torko ri ngaya, a ka lama na zlazlar ga! Ambabai aman ka ca a ndav bai. Co a ndav! A Thomas a m'mbed'a na a ma: Bi ga, Zhiklè ga! —Jean 20,26-28

Yèsu, man a slambad'kaɗ'auda, a prèk a pats nshèlèkura'a te luma, a ngudoko na va a dai a Marie Magdala nshèlèkura'a, te va nenga'a man a ndzor madzagihhi auda tsarad'. —Marc 16,9

Nenga'a man Zhiklè a njèka na a ri a m'metsai a géd' malihi nga, a nslambad'dekoɗ'auda, aman nga ndi a ndohi nzura'a a sam di Zhi-klè. —Romains 4,25

Nga, ndohi malwud'ihhi te skwi tèlèba man a gau te kokwar Jù-dée, te kokwar Jérusalem. Nenga'a ta keɗ'a'a, ta gezlala'a. A Bi Zhiklè a nslambad'deko nenga'a auda te pats mamakara'a, a ngu aman a gudko va a di a ndohi tèlèka bai, aman a nga, ndohi malwud'ihhi man Zhiklè a mpar nga nshèlèkura'a, aman nga ndau a nga sau skwai a nda nenga'a, te deɓa'a man a slambad'kaɗ'auda te m'metsi ma. —Actes 10,39-41

**Skwi man nga zhèrè a mwuffè, nasa
nslambad'kad'auda te m'metsai**

39

A hüno a pats nasa, aman a senda ta a golahi nenga'a: Sèi i dè a kokwar Jérusalem; ndohi nhala'a a ndohi mvi skwi a Zhiklè mbibihi-a'a, a malamhai, ta da gay matakwan mbia'a, a ta da ked'yè, aman a pats mamakara'a i da slambad'kad'auda. —Matthieu 16,21

A vava, a vava, i gad'a kinè: Patsa a di a shkè, ani a zhè ma, aman ndohi m'metsa'a ta tsena da'ai kra Zhiklè. A tengahi man ta tse-na'a, ta da nzi a nshèffè... Kin hur gèd' bai! Pats ngidè ndohi dzavihai tèlèba ta da tsena da'ai nenga'a. A ta da shkè auda. Ndohi man ta gu skwi man amba, ta sla-

mbad'kad'auda a nshèffè. A ndohi man ta gu skwi man ambabai, ta slèmbèdè a kita. —Jean 5,25; 28; 29

Aman lè mèlè mè ara Kristi a nslambad'kad'auda te va ndohi m'metsa'a, a sam n'njèl Bab na, lè mèlè mè nga, sèi nga dè te nshèffè mbua'a. Aman nga metsa a nda nenga'a, nga slambad'kad'auda a nda nenga'a lè mèlè mè. —Romains 6,4b; 5

A nga suna, nenga'a man a slambad'da Bai Yèsu auda, a di a slambad'de nga auda lè mèlè mè a nda nenga'a, a da zlatsede nga a sam na, a nda kinè. —2 Corinthiens 4,14

Dalahimam ga, aman nga ngots ma mpèsl ri aranta, ngo-tùlokoy va nga te skwi man a lizhè va a ndav tèlèba, a nga rufa skwi nkezla ndav nga te zlau Zhiklè.

—2 Corinthiens 7,1

Ndo man a shkè auda te ndev skwi ambabia'a aranta, a pènè ndav na, nenga'a a ndi a shid'èf mbela'a, nkezla'a man babgi a slaha a ngi mizlinè a vna, ntila a mizlinè man amba tèlèba.

—2 Timothée 2,21

Ndohi Zhiklè man Zhiklè, Bab nga, a mpar ta ara man a hur zlè-zlè'a te Mèzhèß nenga'a nkezla'a,

a ta pi ndav a nenga'a, ta pana a pombaz Yèsu Kristi. —1 Pierre 1,2a

Aman ara man nenga'a man a baha kinè, nkezla'a, kinè ba, a woy kin kezla te maya nshèffè kinè tèlèba.

—1 Pierre 1,15

A géd' man skwi haha a di a ndev na arsa, sèi kin slébèrdè Zhiklè a zlau, va-nza a maya a nshèffè nkezla'a!

—2 Pierre 3,11

Aman te deba'a, aman nga mbel nga te ri ndohi mayamhi nga ma, a gi aman nga gi mizlinè nenga'a a zlau ka bai, zura'a, a ndav nkezla'a, a sam di nenga'a, a pats nshèffè nga tèlèba. —Luc 1,74; 75

Civèd mbazla te pa, man ta baha na civèd nkezla'a. Ndo man ambabai a dè a pa azbai. Civèd man ndohi nenga'a ta da bizhè a pa. Ko ndo man maya na azbai, a zi te pa azbai. —Esaie 35,8

Aman te Yèsu, a mpar nga mpèrè, man herkeda n'nga di bai, aman nga gi a ndohi nkezla'a, mali nga azbai a sam di na. —Ephésiens 1,4

Aman nga ngreda mali nga auda, nenga'a nlèbèslè'a a nzura'a, aman a pra nga mali nga, a pan nga te skwi man zura ka bai tèlèba. —1 Jean 1,9

Gar haha Yèsu ba, aman a nkeze ta ndohi nenga'a a pombaz va nenga'a, a m'mets na a dal kowar. —Hébreux 13,12

Va-feda skwi mbua'a a va, man n'nga'a ara Zhiklè man a woya'a, a ndo nzura'a, amba, nkezla'a. —Ephésiens 4,24

Iyè i ga kinè baptême te iyam, te man kin ngwoda ndav kinè. Aman ndo ngidè a di a shkè te deßga, man a fena wud'i ga, i gi huyokoko'a, i slaha a i gshè kotokoroh nenga'a a ri bai. Nenga'a a da ga kinè baptême te Mèzhèß Zhiklè nkezla'a, a vogwa. —Matthieu 3,11

42 Ndohi man ndav ta n'ndha a Mèzhèß Zhiklè

I da va kinè mèzhèß ga a ndav kinè, a i gi aman kin jèjèr ma nkwèr ga a ma kita ga zura'a.

—Ezéchiél 36,27

Ndav ndohi Yèsu n'ndha a mwuffè a Mèzhèß Zhiklè nkezla'a.

—Actes 13,52

Ani haha kinè, ndohi ambaßihi-a'a, kin sun nvi skwi man amba a wudahi kinè. Bab kinè te zhiklè a fena'a, aman a va ta Mèzhèß Zhiklè nkezla'a a tenga'a man ta jhèdè'a.

—Luc 11,13

Aman ta tsu ri arsa ma, sama'a man ta biceda va a pa, a gudzai, a ndav tenga'a tèlèba n'ndha a Mè-

zhèß Zhiklè nkezla'a, a ta nju ma Zhiklè a zlau ka ßai. —Actes 4,31

Kin dzodzor zom ßai, aman ndav ndzakaba a shkè te pa. Aman va-ndha a Mèzhèß.

—Ephésiens 5,18

Aman Mèzhèß Zhiklè nkezla'a a shkèhai a géf kinè, kin da ngècè wud'ai, a kin ndi a ndohi malwud'hi ga.

—Actes 1,8a

Aman kinè kin nzi ara nyakad' kinè azßai, kin nzi te Mèzhèß Zhiklè, te man Mèzhèß Kristi a zhè te ndav kinè. Aman ndo man a ngatsa Mèzhèß Kristi ßai, ne-nga'a ndo Kristi ka ßai.

—Romains 8,9

Ndo nzi pèc pècèk a zhè ndul
ndul a sam ndohi man ndav ta a
mbedè, a takaha ta tenga'a man
ta kud'i te ndav. —Psaume 34,19

Kinë dalahimam ga, kin rzl kin
bai a gèd' skwi mwud'itpa man a
ga kinè antanta, aman ta pe kinè a
wi tsad' tsad'. Kin hur bai: skwi
haha nkèkèkè? Aman va-wuffa, te
man kin si matakwan a nda Kri-
sti, aman a pats nda gudko va a
n'njèl nenga'a, kin da wuffè a kin
gi langlanga'a. —1 Pierre 4,12; 13

Bi Zhiklè a da sahama ta kud'a
tèlèba auda a di ta. M'metsi asa-
bai, kud'a asabai, wobau asabai,

matakwan asabai, aman skwi
nshèlèkura'a klèng ma.

—Apocalypse 21,4

Ri ga a ngau skwi haha tèlèba
man a zhè, n'nga aranta, Ndo nzi
pèc pècèk a gad'a. Ndo man a man-
da gèd' a hai, a ndav nenga'a a
mbedè, ndo man a gi zlau ma ga, i
rka'a, a i pi di a nenga'a.

—Esaie 66,2

Zhiklè a gre kinè ara wudahi ne-
nga'a; aman sèi kin si ma-
takwan . . .

—Hébreux 12,7a

Yèsu a ngad'a na: Aman ka sla-
ha a ka cè a ndav; ndo man a nco a
ndav, a slaha tèlèba. —Marc 9,23

Skwi ngid'è a pe kinè a wi azbai, sèi skwi ndohai. Aman Bi Zhiklè nlèbèslè'a, aman a gi man skwi mpe kinè a wai a fena wud'i kinè azbai, a gi aman skwi mpe kinè a wai a di a ndiv na, a vi civèd' aman kin slaha a kin zhübè'a.

—1 Corinthiens 10,13

Skwi man a dza na ndo nzura'a a zhè kumba; aman Ndo nzi pèc pècèk a mbelè auda te skwi tèlèba.

—Psaume 34,20

Aman nenga'a a nsu matakwan, skwi a mpeda a wai, anai a slaha man a ntakaha ta ndohi man skwa a pe ta a wai.

—Hébreux 2,18

Aman ka bizhè a va iyam, i zhè a sam ngaya. Aman ka bizhè a ndev woyam, iyam a mbizhèma ka a pa azbai. Aman ka bizhè a ndev vogwa, a lawar ka azbai, nè'èn vogwa a nde ka ma azbai. —Esaie 43,2

Zhiklè gumai a da kerf'da Sada a hwaď sak kinè ndul ndul. Pombi Bi nga Yèsu Kristi da zhè a nda kinè!

—Romains 16,20

Aman nga suna, skwi tèlèba ta mbi a ma a ngi amba, a sam tenga'a man ta woy Zhiklè a ndav ta, a sam tenga'a man Zhiklè a mpar ta, ara man a huro hala'a.

—Romains 8,28

Ndo man n'nga'a a ngula'a, i woy a i gia'a a sak gi Zhiklè ga, a dè auda te deŋa'a azbai, a i woy a i windè a va nenga'a: nzlembad' Bi Zhiklè ga, a nzlembad' kokwar mbia'a a Zhiklè ga, Jérusalem mbua'a, man a shkèhai te zhiklè, a sam Bi Zhiklè ga. A i windè nzlembad' ga mbua'a a pa.

—Apocalypse 3,12

Ndo man zlembad' na a zhè, da tsena ma man Mèzhèß Zhiklè a gaŋa ta mpi ndohi Zhiklè: Ndo man n'nga'a a ngula'a, a da ndi wof nshèffè man a zhè a sam Bi Zhiklè mbela'a. —Apocalypse 2,7

A ndo man n'nga'a ngula'a, a bir mizlinè ga, ha ndikèma na, i

woy a i va na wuŋi-bai a géd' ndohi herkeda. —Apocalypse 2,26

Ndo man n'nga'a a ngula'a, sèi ta va na maslaka nslekaŋa'a a va. I woya a i gédèshè nzlembad' nenga'a te dèlèwèr nshèffè azbai, a i woya man i ngrédè nzlembad' nenga'a a sam di Bab ga, a sam di golahi nenga'a ba. —Apocalypse 3,5

Ndo man n'nga'a a ngula'a, nga da nzi a sam n'nzi ga a vna, lèmè-lèmè ara man i ga'a a ngula'a, a i nza t'hai a nda Bab ga a sam n'nzi bi nenga'a. —Apocalypse 3,21

Ndo man n'nga'a a ngula'a, a da ndi skwi haha tèlèba. Iyè, Zhiklè na, a nenga'a kra ga.

—Apocalypse 21,7

Aman iyè, i gad'a kinè: Ndo man a kwola ngwoz na, a géd' mphömè ka bai, a kalde ngwoz a mphömè. A ndo man a cè ngwoz man ndo ngid'è a njèkeda, a gi mphömè.

—Matthieu 5,32

Ko wawa man a kwola ngwoz, a cè ngid'è, a gi mphömè. Ko wawa man a cè ngwoz, man ndo ngid'è a nkwola'a, a gi mphömè.—Luc 16,18

A géd' ma kita, ngwoz a slaha a njèkeda baki azbai, ha baki na a m'mets na. Aman baki nenga'a m'mets na ma, ngwoz mpra ma te ma kita a géd' baki na. Gar haha aman baki nenga'a a zhè a nshèffè dai, a ngwoz a dè a gi baki ngid'è, nenga'a ngwoz mphoma'a. Aman

baki nenga'a m'mets na ma, nenga'a mpra ma te ma kita, a ta ba ha na ngwoz mphoma'a asabai, aman a dè a gi baki ngid'è.

—Romains 7,2; 3

A sam ngwozai, a baki ta, i gad'a ta, aman iyè ka bai, aman Bi Zhiklè a ngod'o: ngwoz da jèkeda baki na bai! Aman a njèkeda ma, sèi a nzi a géd' na, ha ta menda gu mi a hi a baki na. Baki da kwola ngwoz na bai! Ngwoz ndzawa'a a sam baki na, aman nshèffè baki na a zhè dai. Aman baki nenga'a m'mets na ma, nenga'a mpra ma, a dè ngwoz a sam ndo man a wo ya'a, aman sèi ara man Bi Zhiklè a wo ya'a. —1 Corinthiens 7,10; 11; 39

A nga zhèr pats man Bi m'mbel nga Yèsu Kristi a ngudko va a di a n'njèl Zhiklè mbia'a. —Tite 2,13

Aman i da tila kinè sam a hai, a di i shkè a deba, a i hil kinè a sam ga. Aman a sam man iyè a pa, kinè ba a pa. —Jean 14,3

Aman ko wawa man a gi hori ga, a hori ma ga a sam ndohi mphömè a ndohi malihi haha, kra-ndo ba a da gi hori nenga'a, a pats man a shkè te n'njèl Bab na, a nda golahi Bi Zhiklè nkezla'a. —Marc 8,38

Te deba'a skwi n'ngrédiè kra-ndo a ngrédiè auda te gid'fèk, a ger-

zi ndohi herkeda tèlèba ta tsi la-lau, a ta rka kra-ndo man a shkè te va vanai, a wud'ai, a n'njèl na mbia'a. —Matthieu 24,30

Lèmèlèmè ara ndidiyam man a ndoko te verzi gai, kalkad'ai a gé-d'è'a, a da gi lèmèlèmè a mshkè kra-ndo. —Matthieu 24,27

Kinè ba, vo-zhor skwi a ma ma, va-nzala ndav kinè, aman Bai Yè-su a shkè ndul ndul. —Jacques 5,8

Na haha, i shkè ndul ndul; бүр skwi man ka ngotso, ndo ngid'è da cèma ka mpèd'è gèd' ngaya bai! —Apocalypse 3,11

Na haha i shkè ara ndo metsar. Mwuffè a sam nenga'a man a nzi a dai, a maslaka a va, man a dè adi azbai, a ta rka hori nenga'a man a-di azbai. —Apocalypse 16,15

Kinè ba, va-nza, ntila, aman kra-ndo a shkè a pats man kin hur bai. —Luc 12,40

Te deba'a ta rka kra-ndo man a shkè te va vanai, a wudai a n'njè-lè mbia'a. —Luc 21,27

Dalahimam ga, nga wudahi Zhi-klè a vava. A skwi man nga da ndi a pa te deba'a, a ngudko va a di di bai. Aman nga suna, aman a gudoko nga va a dai, nga da gi lè-

mèlèmè ara nenga'a, te man nga da rka'a ara ngi na. —1 Jean 3,2

Kra-ndo a di a shkè a n'njèl Bab na, a nda golahi nenga'a. Te deba'a a da va na ndo stad' stad' tèlèba te di skwi man a gau. —Matthieu 16,27

Kinè, ndohi Galilée, kin zlatza, a kin pi di a zhiklè èhèmè? Yèsu haha, man a do na zhiklè a sam di kinè, a da shkè a deba, lèmèlèmè ara man kin rka, man a dè na zhi-klè. —Actes 1,11

Aman kinè a ri kinè kin sun a vava, pats Bai Yèsu a di a shkè ara ndo metsar a vad'. —1 Thessaloniens 5,2

Ma Zhiklè

Yèsu a m'mbed'a ta a ma: Kin pèkèt kinè, te man kin sun d'èlèwèr Zhiklè bai, a kin sun wud'i Zhiklè bai. —Mattieu 22,29

Gidfèk a herkeda ta ndiv ta. Aman ma ga a ndivè azbai. —Luc 21,33

I gshè ma ngaya te ndav ga, aman i da gi mali a sam ngaya azbai. —Psaume 119,11

Aman ma d'èlèwèr Zhiklè tèlè-ba, Mèzhèß Zhiklè a mvau, amba man a senda nga, a ngreda nga malai, a ngatsa nga maya, a njè nga te ngi-zura'a. —2 Timothée 3,16

Ma ngaya, pitirla sak ga, skwi nhelay civèd ga. —Psaume 119,105

Va-tsu rai, va-pra malai!

(Yèsu a gad'a) Ani haha sèi kin tsi ri arsa: Bab nga, man ka zhè te zhiklè te gédè'a. A woy ta kezla nzlembad' ngaya. Kokwar-Bi ngaya da shkè. Skwi man ka woya'a, da gu t'herkeda lè mèlè mè ara nte zhiklè. Vaka nga skwi n'ndi nga te di mpatsna ba. Pra nga mali nga, ara man nga pra mali ndohai man ta gu mali a sam nga. Ka de nga a sam man a pe nga a wi bai, aman ber nga te ri nenga'a man amba-bai. Aman kokwar-bi a ngaya, a wud'ai, a n'njèlè, pèc pècèk a mèdèp ba. Aman kin prè mali ndohai, Bab kinè te zhiklè a dè prè mali kinè arsa.—Matthieu 6:9-14

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

**Ma d'èlèwèr haha,
M. Watson Goodman a mbica'a,**

World Missionary Press
PO Box 120
New Paris, IN 46553-0120 USA
www.wmpress.org

5-24



Read booklets online or by App
www.wmp-readonline.org

247 Mofa HFA